

استبصار

نومرو ۷

بخشیه

۲۳ تشرین اول ۱۳۲۴

سائر اسباب ترقی فی استحضار ایلمزدن اول اراضی اوزرینه ویرکو طرح اتمک
مصیب بر تدبیر اوله ماز .

قداسترو اصولی منافع عظیمه فی انتاج اتمکله برابر تأسیسی خیلی مصارف
وکلی وقته محتاج اولدیغندن بالفان شبه جزیره سنده بولان بعض دولتلر تقریبی
بر قداسترو ایله اکتفا اتمشلدور . ژاپونیا لیلر کی آرز بر زمانده فوق العاده ترقی
ایتمش بر قوم ۵۰۰۰۰۰ کیلومتر و مربع مساحت سطحیه سی اولان فورموز
جزیره سی اون بش سنده نبرو ید ضبطه کچیرمش اولدقلری حالده جزیره مذکور منک
قداسترو معامله سی انحق کچن سنده ختامه ایرد بر مشلدور .

[مابعدی وار]

فس حقه

آلتنجی نسخه دن مابعد :

جشمکاک سلطان عبدالمجید خان حضر تری نک ۱۲۴۷ تاریخنده تعلم علومه
بدنی رسمنک اجرانی وسیله سیله (تقویم وقایع) ده محرر اولان بر مقاله
مخصوصه ده :

(رکاب شاهانه به بواننده تخصیص سیوریلان اوتوز نفر قیوچی باشی آغاز
قصر هاپونه طوغری مقواس الشکل اوله رق اثواب دیوانیه یعنی علما تللی عمامه
ورسمی فراجه لرو ووزر اورجال و سائر لری صیر مملی ستری و سیف و سابه فسلر ایله
دیز بلوب سر عسکر پاشا حضر تری بومجلس اقدسیده سر ایا مقام خدمتده یواندیلر .
شوکت مآب افندیمر حضر تری یالکز قرنا ی سلطنت و سورغوجلی خدمه خاصه
ایله تکلف سزجه اولوق اوزره « مرصع فس » و حروانی اکتسایسیله ماشیا ...)
فقره تعریفیه سی مصادف نگاه اولمشدر . بوفسک بدایتده طبله سنده یقین
طرفی مستعرضاً مرصع اولوب بالاخره بوتزینات یواش یواش تخفیف ایدلمش
و بر آره شمیدیکی بوسکول موقعنده بر بارچه قالمشدر . ایشته بوسکول بوقسم
مرصعک بر شکل متبدلی ایش .

فس ناربخنده برده (فراخی) دینیلن دوکه پرنچدن معمول بر ماده واردر.
 فراخی مجیدیه دن آزیوک اولوب آلت طرفده اوچ برندن حلقه لی اولمقله پوسکول
 بوحلقه لره، فراخی ده ایسیکک اوزرینه دیکیلیدی. شمدیکی کوپری باشینده
 دکانی بولسان مشهور فسجی (ناصب) آغادن وقوع بولان تحقیقاتمزدده بو آلت
 قرق آلتی سنه اوله کاجیه قدر موجود اولوب آندن صکره متروک قالمشدر.
 دیگر طرفدن آواس فسلی اوزرینه فراخی برینه اوزمانلر (آی تمغا) کاغد
 دینیلن و بازیده کی کاغذجیلر طرفندن مهر ایله پرداخت ایدیلوب صورت
 مخصوصده کسینلر برنوع سوس قوالانیلیدی. بودرلو فسلی آنکچی، یاغلقچی،
 یورغانچی اوسته نری کچی اصناف قوده مانلری کیرلر ایش. بو میانه برده (یاغین)
 پوسکول) موداسی واردرکه بونک برنونه سی صدر اسبق مرحوم رشید پاشانک
 تصویرنده اکثر کوریلیر.
 ابریشیم، ایسک، عسکری پوسکوللردن اول مائی تونس پوسکوللری
 و آطه لیلرک (اوموزدوکن) لری مشهور ایدی. ظنمجه پوسکول عادتاً برزنت اولق
 اوزره طاقلمشدر. خلق آرسنده ایسکک غیر ناقل الکتریق اولمسی حسیله باراتوز
 خدمتی کورمک ایچون طاقل دیفی و قلیج محاربه لرنده آکسیه این کسکین ضربه لری
 کورلندیکی ایچون قبول ایدلریکی حقنده روایتلر وارنده مقبول دکلدرد.
 فس اوائل ایجادنده بتخصیص ذکور کسوه سی اولوب قلامشدر. استانبوله
 مسلم و غیر مسلم اختیار قادیلرله طشرده اکثر قصبات نسوانی عادتاً آنکله ترین
 ایدرلیدی. اوزرینه بویالی یمنی صارارلر، حتی مجوهرات ایله ترصیع ایدرلیدی.
 بو عادت یقین زمانه قدر استانبوله موجود ایدی. اخیراً آناتولی بی سیاحتده
 (ایلغین) استانبولنده فسله ترین ایش (سله) لی قادینلر کوردیم. بونلر قابلی
 فسلی اوزرینه سیاه اورتولر کچیر مشلیدی. زیب سر ایدیندیکمز فسلی اسکینه
 کسوب بیچرک عادتاً عبا ترلک کچی پابوش یابدیغمز و آیاغمزه کیدیگمز واقعدر.
 برقاچ عاله نزدنده کوردیکم بو ترلکارک ایشلمه لیلی دخی وار ایدی. فس رنکی
 ایچون نه دیه جکسکز؟ عثمانیلر بونکه آبریمجه بر قیمت ویر مشلردر.

زمانمژده فسه تعلیق ایدیلن شیر اطفالده نظر طاقی، نسخه، زینت آلتونی، کوبه وامثالی مزینات و مجوهرات اولوب اوزرینه صاریق، دلبنده، آغابانی، شال، مندیله (یاردن آیریلیم)، یعنی، اینجه یوک اورمه لری انواعی صاریلیر. بیوک و قولاق لری ستر ایدن نوعه (بابایانه) (افندی واری) دینلیدیکی کبی (کل اورتن) و (عیب قیایان) دخی تسمیه ایدلیدیکی ایشیدلمشدر.

ایصالنوب بوزولمشنه (لیمون قبوغی)، صفرقاله چکیلیمشنه (ساقی دی)، یاصصی و باشه تماماً کچمش اولاننه (طبله کار) برر نام خصوصی اولمشدر. هله (نارچیچی) اوچ درت آی اولنه کلنجهیه قدر خفیه فسلیرنک علمی ایدی. ایکری، قاش اوستنه قدر اکیک، یان، آرقهیه طوغیری وضعیتلره کیلییر. بعضاً اوک طرفده حاصل اولان چوقوره (یارنکمه سی) دینیر. لسان ظرافتک

(یارنکمه سی) دیدیکی بو چوقورک نامی اصطلاحات غریبه ده (؟) (قوش یوواسی) در. بو قوش یووالی فسلیک پوسکوللری دیکیلی اولماز و بو جهتله (سیار) تعمیر اولنور که اکثریا صول طرفده کی شاهنش (شهنشین غلطی) کاکل اوزرینه ییقیلان طرفک مقابلنه کتیریلیر یعنی صول قولاق ایله صول شقاق آرمسده بخیر بر اقیلییر. آرقه سی قیرانلر، قاله اوردیر میوب بر طرفی بر خط مقعر و بر طرفی مسطح طوران فس کینلر دخی واردر که بو صوک فسلیک وضع و شکلنه (فابریقه قالی) دینیر. پوسکولی آغیر باصدره رق یان طرفدن قیرانلر موره و جزائر بحر سفید ییجمنی قیافتلرینه کوره تعدیل ایدنلر در. مع هذایان قبرمه لر دائمی صورتده صاغ طرفده در. پوسکولک فس اوزرنده اک مقبول وضعیتی تماماً اکسه اورته سنه دوشر.

یان طور و شلرله اوکه دوشوشلر عندالار باب آری آری معناه موضوعدر. ایلیک اوجی اکسه اورته سی حذا سنه متوجه اولدینی حالده پوسکولک ترسنه دونه رک فس طبله سی اوزرندن اوک طرفه پوسکورمه طوروشی ده بر نوع شیوه شو خانه صابیلیر. فسی آلن طرفندن قیره رق اوزرندن پوسکول صارقیدیش محسن مرحومک دیدیکی (قباره مازسک کل فاطمه) مدلول مقلدیر. شو بر ایکی طرز قبادانی، خو وارده، چاپقین، قوبوق آلانی قیافتلرینه خاصدر. بونک

بر نوعی دها وارد در که فس اوج درت یرندن یارنکه سیله بوزوق دوزن طورور . بوکاده (اوجاری بیجم) دیسورلر . محرد شهر متوفی پولونیالی (خیرالدین) که فی بو صوکه بیجملرک جامع اشکالی ایدی . اوزرنده کیر ، پاس لکه ، جامور ، یاییق ، یرتیق ، دلیک بولندقدن ماعدا همان هر زمان هندسه خطیه اشکالندن بر چوغی قارمه قاریشیق بر صورتده متجسم کورینوردی . «دوست باشه دشمن آياغه باقار» ضرب مثلندن غفلت ایتمک فس ایچون اصلا جائز دکلدی .

فس پرچم ، کاکل ، حلقه ، قیورجیق صاچلر اوزرنده وضع وادایه وشکل سیایه کوره آچار ، یاقیشیر . کچمه فس ، قییار ، بونلک ویریر . قوندورمه ظرافت مبتالرنده بعضاً ناقص بر اکلیل محرومی منظره سی کوستریر . کناری کیسولر ایله پرچین لطافت اولورسه لسن اهل حالده آکا قباغه (سفیل ساقیسی) تعبیر اولنور .

وقتیه مستعمل اولان فسلیره کلنجه بونلر (علی قورنه) دنیلن تونس فسلیله (اسکندر) (داودوزیر) (پی نل ؟) (پوتی) (وایل) (فیرت) (Koehler) (کولر) (چفته پهلوان) (وولیدنغ ؟) (بول فیرت) (کبارلره مخصوص) (پرومیه رقالیه) وسائر نامرله مشهور ایدی . معمولات عثمانیه دن اولان فسخانه فسلی ده بومیانه داخلدر . فسجیلر آره سنده زبازدومتعارف بولنان رنکلری کیتدکجه قویولاشمق اوزره : قرمزی ، چیفته زهرو ، ایکی صفر ، بر صفر ، بر رنک ، ایکی رنک ، اوج رنک درت رنک ، بش رنک ، آلتی رنک

اولوب اسملری دخی : قیرمزی ، عنابی ، مور ، اورته رنک ، آل ، نار چیچی سیاهدر . قویو مور سیاه فسلی طومانس برون ، باصیق اوکجه ، یارم بوتینلره لغت غریبه اربابی آره سنده قیافت نظرندن بر تناظر تشکیل ایدر . الیوم مستعمل اولان صیجاق فس قالمیری اوتوز قرق سنه لک بر محصولدر . اولجه فسلی بعدالترطیب تحته قالمیره چکیلوب اوتولنیردی . فسجی ناصبک بیانه

کوره صیجاق و معدنی قالب‌ر اولا از میرده ایجاد ایدلمش و در سعادتیه (طودوری) نامنده بری طرفدن کتیر بلوب بر و ایستده سلطان حمامنده ترشیچینک یاننده کی سودجی دکاننده اجرای صنعته باشلامشدر. بعده اوزون چارشوده، سلیمانیه ده دخی کورایله ایشلر قالبچی دکانلری آچیللمش و کیت کیده شو حال ترقیه کیشدر. قالب‌ر صفر دیدک‌لری بر نومرودن ۱۶ نومرویه قدر یاییلمقده در. شمیدیلر غیر مستعمل اولان (طاریک اوغلی) (۲) نومرو اولوب انوعی میاننده (حمیدیه) (بیوک حمیدیه) (عزیزیه)، (نام زخاف)، (یارم زخاف)، (افندی بیچی)، (ازمیر بیچی) ناملرنده اشکالی وارددر.

احمد راسم

سلانیکده مقیم مشاهیر وکلای دعاو عزدن سلم افندی طرفدن اهدا اولمشدر

ترکیاده اجنبی شرکتلری

۱ ممالک عثمانیه ده مرعی الاجرا اولان عهد و عتیقه اجنبیلره حاز اولدقلری امتیازات ساره میاننده وطن و سر بستهجه اجرای تجارت ایتمک حقی دخی بخش و تأمین ایلمکده در. اجانب کندی آره لرنده متحدث اختلافات همچون قونسولوسخانه‌لری محاکمه تابع اولوب یالکنز اموال غیر منقولیه عائد دعاویدن و برده تبعه عثمانیه ایله ظهور ایدن اختلافاتدن طولانی محاکم عثمانیه به جلب اولنورلر. تورکیاده اجرای تجارت ایدن تبعه عثمانیه «تمتع» ویرکوسنه تابعدرلر اجنبیلر ایسه بو ویرکودن معاف بولندقلرندن تورکیاده تبعه عثمانیه به نسبتله غبطه درس بر موقع اشغال ایدپورلر دیمکدر.

۲ اجنبیه مارالذکر حقوق و امتیازاتی تأمین ایدن عهد و عتیقه انحق اشخاص مادیه به عائد و منحصر اولوب اشبحقوق و امتیازاتک اشخاص مغنویه به تعبیر دیگرله اجنبی شرکتلرینه توسیع اوله میه جنی صرف حقوق نقطه نظرندن ادعا اولنه ییلوردی.